



فرید احمد رضا

کھوار نیویشیکو بہتر کوریکو ضرورت

جوش سوتو عیسویوتے کھوار ادبو ترقیو سال رینو بویان۔ ہے صدیی کھوار کوراک رویانتے ہندوستانو تعلیمی ادارین بی سبق ریکو سہولت میسر ہوئے۔ چہتراری ہندوستانہ بی فارسی زبان چیچھی فارسی زبانہ شاعری شروع ارینی۔ وخت شوخاؤ گیکو فارسی زبانو چہتراری شاعران کھوارہ دی شعر نیویشیکہ پرانی وا پبہ قسمہ کھوارہ نیویشیکو آغاز ہوئے۔ اتالیق محمد شکور غریب، مرزا محمد سیر، محمد اقبال اقبال، شہزادہ ناصرالملک وا جبین کھوارو شروعو دورو نیویشیکان موژی شامل اسونی۔ ہمی شاعران کھوار نیویشیکو بچے فارسی رسم الخطو زریعہ ساؤزیتانی وا بیتان موژار بعض رومن رسم الخطہ دی کھوار نیویشیتانی۔ رومن رسم الخطہ نیویشیکو وجہ پبہ اوشوئے کی پبہ پویہ پتی کھوار نیویشیکو کیہ اصول وضع نو بیتی اوشوئے۔ بیشرو صدیہ پت کندوری دی کی غیر ملکی کھوارو سورہ کوروم کوری اسونی ہتیت کھوار نیویشیکو بچین رومن رسم الخطو استعمال کوری اسونی۔

بیشرو صدیو شروعہ کھوار زبانو تاریخہ ای سنہری دور ہتے وخت شروع ہوئے کیاوتکی اویلو مکالہ بزائنس ناصرالملک کھوار زبانو مخصوص ہوازانتے نشان وضع اریر۔ بیغار پروشی کھوار نیویشاک ہے ہوازن نشانو ژاغا ہم صوت حروفان نشانو استعمال کوراؤ اوشونی۔ سرناصرالملک ہے مخصوص ہوازانتے نشان وضع کوریکو سوم جوستہ کھوار نیویشیکو بچے عربی رسم الخطو منتخب اریر۔ ہمی جو اہم کوروم بیکار اچی وختو ہوش کوراک روئے ترویو اہم کوروم ہموش ارینی کی بیت کھوار نیویشیکوتے ترقی دیکو بچین تان موژی ایوال ایوالیوتے کھوارہ خط نیویشیکو سلسلو شروع ارینی۔ ہے سلسلو ای اہم خط ۲۶ مئی ۱۹۲۲ عیسویہ نیویشیرو شیر، کی ہتوغو سرناصرالملک مرزا محمد غفرانو نامہ نیویشی اسور۔ ہے خطہ سرناصرالملک کھوارو مخصوص حروفان نیویشی اسور وا بیتان نیویشیکو طریقو دی نشان دیتی اسور۔ ہے سوم جوستہ پبہ لوو سورہ دی اصرار کوری اسور کی کھوار نیویشیکوتے ترقی دیونو ہائے۔

۱۹۵۸ عیسویہ پت خطان زریعا کھواروتے ترقی دیکو پبہ سلسلہ جاری بہچیتائے وا ہے کھوارہ خط نیویشاکان موژی ہمی نام پروشہ ہانی۔ شہزادہ محمد ناصرالملک، مرزا محمد غفران، حاجی محمد جناب شاہ، حاکم محمد امیرالدین وا شہزادہ محمد حسام المک۔ ہمیتان موژی خطہ حال احوالو بشار گانیکار علاوہ کھوار نیویشیکو بارا لو وا مختلف قسمو تجاویز دی شامل اوشونی۔

کھوار نیویشیکو بچے شروعہ رومن وا فارسی اچی عربی رسم الخطو اپناؤ ارینی۔ عربی رسم الخط خط نسخہ نیویشونو بویان بیغین دیتی پیس کھوار نیویشاکانتے پھک مشکل سارٹیاؤ اوشوئے کوریکوکی کھوار زبانو اکثر الفاظان مشابہت فارسیو اوچے اردو زبانو سوم زیاد شیر۔ فارسی اوچے اردو خط نستعلیقہ نیویشونو ہاؤ اوشونی۔ بیغین دیتی کھوار نیویشاکان رجحان تنار تان خط نستعلیقو ویشکی ہاؤ ہائے۔ ہموغار توری کیہ دورو کی بیان اریتام پبہ کھوار نیویشیکو اویلانو مرحلہ اوشوئے۔ پبہ مرحلا کھوار نیویشاک الف بان تعینو ارینی، کھوارو مخصوص ہوازن بچے نشان وضع ارینی وا نیویشیکو بچے عربی رسم الخطو منتخب ارینی۔

۱۹۵۷ عیسوی کھوار زبانو ترقیو بچے انجمن ترقی کھوار ساؤز ہوئے وا ہو نگرانیہ مشاعران ای سلسلہ شروع ہوئے۔ بیا کھوار نیوشیکو جوؤ پڑاؤ شروع بویان۔ انجمن ترقی کھوار وجودہ گیتی کافی زمانہ پہار بغائے، شعروشاعریو دور شروع ہونی وا شاعرانان تعداد انوسار انوس زیاد باؤ ہائے۔ ۱۹۶۷ عیسویہ جمہور اسلام کھوار حکومتی تعاونو سورہ چھاپ بیک شروع اریر وا روئے کھوار ریکو وا نیوشیکو قابلہ ہونی۔ شاعران تان مسودان چھاپ ارینی، افسانہ، شیلوغ وا ڈرامہ نیوشونو ہونی۔ قرآن پاکو کھوارہ ترجمہ ہوئے وا کھوار لغت دی چھاپ ہوئے۔ سمینار، ورکشاپ وا خور ثقافتی پروگرام دی کھوارو ترقیہ کردار ادا ارینی مگم وا دی کھوارو نیوشیکو معیار ساؤز نو ہوئے۔ کھیوتے کی معیاری رسم الخط (Standard Orthography) رینو بویان ہتو غو کیہ تعین تان نو ہوئے۔ کیہ دی زبانو نیوشیکو تروئے درجہ ہونی:

1. اولانو درجہ (Initial Stage)

2. ورکنگ ارتھوگرافی (Working Orthography)

3. معیاری رسم الخط (Standard Orthography)

نیوشیکو اولانو جو درجان لوو توری پھریتام۔ اولانو درجا زبانو ہوازن تعین، الف بان تعداد، ہر ای ہوازو بچے الگ نشان، رسم الخطو تعین کی رومن، عربی، فارسی یا خور کیاغ، کم ہوازن بچے زیاد نشان یا زیاد ہوازن بچے کم نشان (Over representation or under representation)، ہمیت سف اولانو درجو کوروم۔ ہمیتان تعین کوریکار پروشنی ای زبانو نیوشیکو شروع کورین نوبوئے۔ جوؤ درجہ بیہ کی ای زبانہ نیوشیکو باقاعدہ آغاز ہوئے۔ روئے ہے زبانو نیوشیران رینی دی، کتاب دی چھاپ ہونی، اخبار رسالہ دی ہونی مگم وا دی ہتے زبانو نیوشیکہ کمی ہونی وا ہوتے ورکنگ ارتھو گرافی ریر۔

ترویو درجہ میعاری رسم الخطو ہوئے۔ معیاری رسم الخط ہسے ہوئے کی ای زبانو نیوشیکو سف ای قسمہ نیوشینی۔ ہر کوس رسم الخط یا نیوشیکو انداز غیڑی غیڑی نوبوئے۔ ہسے ریکوتے وا نیوشیکوتے اسقان ہوئے۔ جدید مشین مدد فراہم کورونی۔ کمیونٹی ہتے نیوشیکو طریقو قبول کوروئے وا زبانو کیہ ضرورت کی شینی ہتیتان بیہ نیوشیکو طریقہ پورا کوئے۔ دی ہانیسے اسپہ کھوار زبانو نیوشیکو ویشکی لاڑیسی کی کیہ طریقہ کی اسپہ نیوشیکو بچے استعمال کوروسیان بیس Standard (معیاری) طریقہ شیرا نو۔ بیہ لوو معلوم کوریکو بچے اسپہ تان چھاپ بیرو کتابان ویشکی لوڑیلک ہوئے۔ اسپہ تان رسالان مطالعہ کوریلک ہوئے۔ ہیتان لوڑیکار اچی تھے اسپت پتہ ہوئے کی کھوار نیوشیکو تان نیوشیکہ کیہ طریقہ کی نیوشینیان ہے طریقہ سفان مشترک کی بیرائے تھے اسپہ ہوروتے معیاری ریکو ہوسی۔ اگر کی ہش نو یعنی ای لفظو نیوشیکو بچے نیوشیکو خور خور انداز کی استعمال کورونیان تھے اسپہ ہوروتے معیاری رسم الخط ریکو نوبوسی۔ ہے صورتہ رسم الخطو معیاری ساؤزیکو بچے کوشش کوریلک ہوئے۔

کیاوتکی اوا کھوار نیوشیکو معیارو لوڑیکو بچے کھوارو مختلف پرانو وا نوغ چھاپ بیرو کتابان مطالعہ اریتام تھے بو دلچسپ صورت حال پروشنہ ہائے۔ ای کتابہ تان ای نیوشیکو ای لفظو ای صفحا تان جو تروئے قسمہ نیوشینی اسور۔ ای کتابو سورہ تبصرہ کوراک ای لفظو خور قسمہ نیوشینی اسور وا اندرینو مصنف ہے لفظو تان خور قسمہ نیوشینی اسور۔ ای رسالا تان نیوشیکو تان موڑی اتفاق نکے۔ اوا ہے بچے پرانو چھاپ بیرو رسالان، کتابان، نثری وا شعری کتابان لوڑیتام۔ ای سروے کوری دی رویان چاکئے نیوشئے لوڑیتام۔ بیت زندگیو ہر ای شعبو سوم تعلق لاکھاک روئے اوشونی۔ ہیتان موڑہ بے تعلیم، تعلیم

یافتہ، کم تعلیم یافتہ وا اعلیٰ تعلیم یافتہ روئے شامل اوشونی۔ کتابان لوڑی وا ہے رویان چاکے نیوشیئے جائزہ گانی پیہ نتیجا توریتم کی کھوار نیوشیکہ ہمی کمزوری غیچی گونیان:

1. غیر تسلسل (Inconsistency): اسپہ کھوار نیوشیکہ تسلسل نکى تان۔ مطلب ای لفظو ہر ای نیوشاک مختلف نیوشینیان۔ مثلاً 'اوجے'، 'وچے'، 'اوجہ'۔

2. اسم مصدرہ غلطی (Infinitive): علامت مصدر الگ وا پیغار نیسیرو لفظان نیوشیکہ سف نیوشاک ای قسمہ نو نیوشینیان۔

3. جمع واحدہ وا ایتو چاکئیکہ (Inflection) بے قاعدگی: کھوارہ جمع واحدان نیوشیکو ای طریقہ نکى، وا کورا کی ای رکن یا لفظ خور لفظہ چوکی (Inflection) نوغ لفظ ساؤز بویان بتیرا سف نیوشاکان الگ الگ نیوشیکو انداز شینی وا نیوشیک مختلف شیر۔

4. نیوشیکو بچے ای ماڈل پروشئہ نکى کی کھوارو کی بولیو نیوشیسی؟ سف ای بتی ای بولیو نیوشیکہ انگوسیا یا ہر کا تان بولیہ نیوشیسی وا ای بولیو سورہ نیوشیکہ اتفاق کی اریتم ہسے کیوالی بوئے؟

5. زیر، زبر، پیش (Diacritics) حرکاتان کورہ استعمال کوروسی وا کورہ ضرورت نو بوئے۔

6. حروف علت (Vowels) کورہ وا کیہ قسمہ استعمال کوروسی۔ وا بیتان استعمالو کیہ دلیل شیر۔

7. ایسکوردی وا درونگار حروف علتان (Short vowel and Long vowel) کیہ طریقہ نیوشیسی۔

8. سٹریس مارکان (Stress Mark) کھوار نیوشیکہ سٹریسو نشانو ضرورتہ نو۔ ہورو استعمال نو کوریکو سورہ کھوار نیوشیکہ کیہ مشکلات بونی وا استعمالو کیہ فائدہ بوئے۔

9. مرکب الفاظان (Compound word): کیہ قسمہ نیوشیسی، ایتو چاکے نیوشیسییہ یا الگ کوری نیوشیسی۔

10. ہومونیم الفاظ (Homonym): ای قسمہ مگر مختلف معنی والا الفاظان کیہ طریقہ نیوشیسی، ای قسمہ نیوشیسییہ یا خور کوری نیوشیسی۔

11. اردو نیوشیکو بچے ماڈل زبان اسپہ پروشئہ شیر، اسپہ کندوریہ پت ہواصولان اپناؤ کوسی۔

12. کھوارو کیہ قسمہ نیوشیکو شئیلى بوئے کوریکو شئیلى دی ارتھوگرافیو ای صفت شیر۔ دی ہانسیے ای کما تجاویز کی ہمیتان سورہ غور کوری نیوشیتم اسپہ نیوشیکہ بہتری گوئے وا املو بو غلطیان سار بچ بوسی:

جو غیچھی "ہ" (aspirated): اردو نیوشیکو اصولو مطابقہ پیہ "ہ" کیاوت دی لفظو شروعہ نو گوئے۔ کوریکو پیہ تان غیڑی کیہ ہواز نو بلکہ پیہ خور لفظو سوم بتی ہواز دوئے۔ کیچہ کی پھ، کھ، چھ، چھ، پھوست، کھوشٹ، چھان وغیرہ۔ مگم اسپہ کھوار نیوشاک ہمو بو زیاد لفظان شروعہ استعمال کورونیان۔ کیچہ کی ہوست، ہیہ، ہون، مگم صحیح پیہ بوئے کی ہے جو غیچھی 'ہ' و ژاغا اسپہ نارمل 'ہ' استعمال کوروسی، مثلاً ہوست، پیہ، ہون۔

'ہ' اگر کی لفظو اویلہ ہائے تھے بیس نارمل ہ ہوازو دوئے۔ ہے صورتہ ہو نارمل اندازہ نیویشیلک کیچہ کی اردو زبانہ ہوا، ہاتھی، ہاتھ۔ کھوارہ ہون، ہون، ہوست۔

'ہ' اگر کی لفظو آخرہ ہائے وا ہو سورہ زور کی گیاؤ اوشوئے ہو جو غیچی 'ہ' و سورہ نیویشونو بوئے۔ کیچہ کی کھوارو لفظ تیچہ، پاچہ وغیرہ۔

'ہ' اگر کی لفظو آخرہ ہائے مگم ہو ہواز پورا نو اوشوئے وا ہے سورہ کی زور نو گیاؤ اوشوئے تھے ہو خیق 'ہ' و سورہ نیویشین بوئے۔ کیچہ کی کھوارہ اسپہ، تہ، بیہ، اردوہ پیسہ، روپیہ وغیرہ۔

'ہ' لفظو آخرہ گیتی تان نارمل ہوازو کی دیاؤ اوشوئے ہو ایتو چاکئے نو بلکہ آزاد نیویشین بوئے۔ کیچہ کی کھوارہ: راہ، واہ، دوہ، گراہ وغیرہ۔ (بیہ 'ہ' و استعمالو اردو زبانہ ای تسلیم شدہ اصول، ہو اسپہ دی ہے قسمہ تان قبول کوریلک بوئے)۔

توری دیرو ایار گانی پونجہ پت کیہ مسلہ کھوارو نیویشیکہ کی شیر، ہو صرف ای علاج شیر۔ بیس بیہ کی اسپہ اولانیتی ای لفظو نیویشیکہ متفق بوسی اچی ہورو سف ای بیتی ای طریقہ نیویشی معاشرا رائج کوروسی۔ صرف بیہ صورتہ اسپہ نیویشیکو معیار صحیح بوئے۔ ہے بارا او تان رایو دیک ہیا مشکیم کی کیہ لفظو کیہ قسمہ نیویشین بوئے رے۔ مہ خیالہ کیہ اشناری کی اسپہ نیویشیکہ رائج بیتی شینی یا زیادہ نیویشاک نیویشینیان بیغار مطلب بیت رواج غیر شینی۔ بیتان ہے قسمہ تان نیویشیسی وا کا کی بیتان خور اندازہ نیویشی اسونی بیتان املو غلطی جاشوسی۔ 'بیہ، تہ، مہ، او، تو، کیہ، ہسے، بیت، بتیت، پیس، ہمی' اکثر نیویشاک ہمی لفظان ہموش نیویشی اسونی۔ اسپہ سف ای بیتی ہمیتان ہموش نیویشیسی وا کا کی ہمی لفظان خور قسمہ نیویشیتائے بتو املو غلطی جوشی اصلاح کوروسی۔ علامت مصدر (Infinitive)، کازیٹیو (Causative) ہے سو متعلقہ اشناری کیاغ کی شینی بیتان ای جدولو اندرینی وضاحت کوری اسوم وا کوشش کوری اسوم کی بیت کیہ قسمہ نیویشونو بیلک رے۔ کوشش کوری اسپہ سف موڑی دیرو ہمی مثالان خیالو لاکھی ہمیتان ای قسمہ نیویشیسی۔

Stem + inflection	علامت	روٹ + انفلیکشن (اصل + اضافہ)
Infinitive root+ ik	یک	کوریک، لوڑیک، دوسیک، کارکوریک
Casutive root+ayk	ئیک	کورئیک، لوڑئیک، دوسئیک، کارکورئیک
Necessitive root+elik	ئیلک	کورئیلک، لوڑئیلک، دوسئیلک، کار کورئیلک
Imperfective Participle	اؤ	کوراؤ، پوشاؤ، لوڑاؤ، دوساؤ
Oblique imperfective Participle	اوا	کوراوا، پوشاوا، لوڑاوا، دوساوا

Perfective participle	ی	کوری، پوشی، لوڑی، دوسی
Desiderative nominal root+aru	ارو	کورارو، پوشارو، لوڑارو، دوسارو
Past participle root +ro or du	رو، دو	کوریرو، پوشیرو، لوڑیرو، دوسیرو کار دو، بوغدو، ژوردو، پار دو
Passive Participle root+nu	ونو	کورونو، پوشونو، لوڑونو، دوسونو
Passive Participle 2 root+in	ین	کورین، پوشین، لوڑین، دوسین
Agent+Noun root+ak	اک	کوراک، پاشئیاک، لوڑاک، دوساک

توری ہے دیرو مثالان ساراچی مزید ہے لفظار انفلیکٹ (word inflected) بیٹی کیہ الفاظ کی ساؤز بونیان بیتان دی اسپہ ہموش تان خیالو لاکھی اوصولان مطابقہ کی نیویشیتام تھے کھوارو نیویشیکہ اسپتے مزید اسانی بوئے۔ ہے الفاظان مثال دی موڑی پیہ ٹیبلواندرینی دیتی شینی۔

کوریک	کورا کو	کورا کان	کورا کانتے	کورا کوتے / کورا کوتین
لوڑیک	لوڑا کو	لوڑا کان	لوڑا کانتے	لوڑا کوتے / لوڑا کوتین
دوسیک	دوسا کو	دوسا کان	دوسا کانتے	دوسا کوتے / دوسا کوتین
کار کوریک	کار کورا کو	کار کورا کان	کار کورا کانتے	کار کورا کوتے / کار کورا کوتین
کوروم	کور مو	کور مان	کور مانتے	کور مو تے / کور مو تین
بوخت	بوختو	بوختان	بوختانتے	بوختو تے / بوختو تین
موش	موشو	موشان	موشانتے	موشو تے / موشو تین

ہومونیم (Homonym) الفاظ وا بیتان استعمال

گوم (گندم)	ہومونیم (Homonym) بتے الفاظ کہ بیتان نیویشیک دی ای قسمہ، تلفظ دی ای قسمہ مگم معنی مختلف لاکھونی۔ کیچہ کی کھوارہ ہے مثال ظاہر کورونیان کی ہمی لفظان بچے کیہ خور نشان لیگیکو ضرورت نکے۔ ہمیتان کیہ لوؤ یا نیویشیرو جملو موقع (context) وا محلو مطابقہ ہوش کورین بوئے۔ ہمیتان ایوال ایوالیو سار فرق کوریکو بچے خور خور کی نیویشیتام ای خور لوٹ مسئلہ ساؤز بوئے۔ ای کما دوستان
گوم (آونگا)	
پونگ (پاؤن)	
پونگ (نیچے لوکیشن یا ڈرئی کریشن کے لئے بھی استعمال ہوتا ہے)	
موڑی (نیچے)	
موڑی (نیچے)	

رائے دیتی اسیتانی کی پیتان بچے الگ الگ علامت لاکھونو بائے رے مگم ہیہ کیہ جم طریقہ نو بوئے۔ بیت جملو استعمالو سورا ہوش کورونو بونی۔ اوا چھوچھلی گوم، اوا گوم لیمان، مہ پونگہ ناکریزی دیتی شیر، اوا چھیترو پونگہ گیتی اسوم۔	بس (enough)
	بس (ٹھہرنا/رات گزارنا)
	مس (چاند)
	مس (مہینہ)
	رینی
	رینی

زیر زبر پیش (Diacritics) حرکات کورا استعمال کوروسی:

مہ تجویز ہیہ کی اسپہ ہر ای ژاغا کی حرکاتان استعمال کوری کہ ابی گانیتام اسپہ نیویشیک بو ژوچ بوئے وا اسپہ نیویشیکہ وخت دی بو گانیر۔ موجودہ وختہ کمپیوٹرہ نیویشیکہ دی بیس بو مسئلہ بوئے۔ ہیغین دیتی اسپہ تان کھوار نیویشیکہ زیر زبران کمار کم استعمال کوروسی مگم بو ہش لفظ اسپہ کھوارو شینی کی ہتیرہ اسپہ حرکات استعمال نواریتام اسپہ لفظوریکہ مسئلہ بوئے۔ ہیغین دیتی ہش ژاغین اسپہ یقیناً زیر زبر استعمال کوریلیک بوئے۔ ہتیتان موژار ای کمہ الفظان ہیا نیوشیمان کی ہیہ صورتہ اسپہ حرکاتار غیر کیہ گنجائش نکی۔	بوم (زمین)
	بوم (کر لونگا)
	شوت (کڑوا)
	شوت (قسم/حلف)
	چوٹ دیک /
	چوٹ دیک (قلم لگانا)

سٹریس (stress) کھوارہ

سٹریسڈ حرف/ہواز/لفظ ہسے کی بتو سورہ زور بوئے ادائیگیو وختہ۔ انفرادی لفظو صورتہ کی لوڑیتام لفظ ای بوئے مگم انداز ادائیگیہ ای سلیبلو (Syllable) سورہ زور بوئے۔ ہے زور لفظو مطلبو تبدیل کوروئے۔ ہموش لفظ پر زبانہ شینی کی بتے زبانین سٹریس شیر مگم نیوشیکہ ہو بچے کیہ نشان نکی مگم ہو ہر ای نفری چیچھیلک بوئے کی کیہ لفظو کیہ سلیبیلو سورہ زور شیر وا کیوالیو سورہ نکی۔ کھوار زبانہ دی ہش لفظ شینی کی ہیرہ سٹریس معنیو تبدیل کورویان مگم اسپہ ہمونہ پت ہے بچے سٹریس نشانو استعمال نوکوری اسوسی۔ اولانو مثالہ لفظو اولانو سلیبیلہ سٹریس شیر۔ جوؤ جوؤ سلیبلہ شیر۔ جوؤ مثالہ دی ہش تان۔ وا انگریزیو	'توری
	توری
	'شالی
	شالی
	بیڑو
	'بیڑو
	'(conduct (N
	(con'duct (v

مثالہ دی اولانو لفظہ سٹریس اولانو سیلیبلہ شیر وا جوو لفظہ سٹریس جوو سیلیبلہ شیر۔ مگم بیتان بچے کیہ نشان نکۓ۔ مه خیالہ کھوار نیویشاوا دی سٹریسو بچے نشان لیگئیکو کیہ ضرورت نکۓ۔ بیس جملو وا لفظو موقع و محلو سورہ واضح بوئے کی پیرا کیہ مطلبہ ہے لفظ استعمال بیٹی شیررے۔	
---	--

شارٹ واویلو اوچے لانگ واویلان (short and long vowel) استعمال

کھوارو نیویشیکہ عموماً واویلان ژینگئیکو یا نو ژینگئیکو (vowel length) سورہ دی الفاظان مطلب بدل بونیان۔ پُھک خیال کوری ہے مشکلو آسان کوروسی۔ کوریکو کی شارٹ واویل استعمال بونیان پیرا اسپہ ای واو استعمال کوروسی وا کورہ کی لانگ واویل استعمال بویان پیرا اسپہ جو واو کی استعمال اریتام اسپہ نیویشیک واضح بوئے وا راکو بچے کیہ مسئلہ نو بوئے وا مطلب دی بو آسانیو سورہ ہوش کوروکو بوئے۔ اوا ای کما مثال دیتی اسوم۔ ہش کندوری دی کی خور الفاظ شینی بیتان نیویشاوا دی ہیہ اصولو اپناؤ کی اریتام تھے اسپہ نیویشیکو معیار جمارجم باؤ گوئے۔	کو (کیون)
	کوو (کرو)
	بو (زیادہ)
	بوو (جاو)
	ڈوک (بچے کو پیٹھ پرائھانا)
	ڈووک (ڈھلوان)
	کوسی (چل کر)
	کووسی (کرینگے)
دون (دانت)	
دوون (گھی)	

مرکب الفاظ (کمپاؤنڈ ورڈز)

کمپاؤنڈ ورڈ ہتے لفظ کی ہتیت جو لفظ ای بیٹی ای مطلب دونی۔ ہش قسمہ لفظ ہر زبانہ شینی بیتان نیویشیکو طریقہ دی ہر زبانہ مختلف بونی۔ ہے لفظان اسپہ کھوارہ کیہ قسمہ نیویشیسی۔ ہو دی ای قسمہ کی نیویشیتام اسپہ نیویشیکو طریقہ مزید جم بوئے وا ہے لفظان مثال دیتی شینی۔ مه خیالہ اسپہ اولانو طریقو مطابقہ کی نیویشیتام اسقان وا عام فہم دی بوئے۔	غوڑی بمبور / غوڑی بمبور
	آن پوشی / آنپوشی
	گوردوغ کارو / گوردوغکارو
	بوخت بوغوزو / بوختبوغوزو

کوریکو کی بیت جو لفظ، جو لفظان غیژی غیژی کی نیویشیتام اسقانی کوئے۔	تروپ چائے / تروپچائے تت باشی / تتباشی
---	--